

1

Akhri buug-yarahaaga codbixiyeyaasha si aad u barrato waxa ku qoran warqaddaada codbixinta.



2

Warqaddaada codbixinta, buuxi goobaabinta ku dhinac taal dookhyadaada.




3

Saxiix xagga dambe ee bakhshadda soo celinta ee warqaddaada codbixinta.



4

Soo celi warqaddaada codbixinta. Haddii ay tahay sanduuqa lagu rido warqadda codbixinta ama boostada, wakhti hore codee!



5

Raad-raac warqaddaada codbixinta. Booqo [kce.wiki/TrackMyBallot-SO](https://www.kingcounty.gov/elections/obmp) ama isku qor helitaanka digniimaha warqadda codbixinta barta [kce.wiki/BallotAlert](https://www.kingcounty.gov/elections/obmp). Kuwani waa hababka ugu wanaagsan ee lagu ogaado in warqaddaada codbixinta la tiriyay oo codkaaga la maqlay.



Sida loo

codeeyo!

Doorashada Gaarka ah ee Febraayo 2026

Degmada King Buug-yaraha Rasmiga ah ee Codbixiyeyaasha Deegaanka

sida ay codsatay Degmada Dugsiga Federal Way Lr. 210

Isku qor si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor barta [kce.wiki/TrackMyBallot-SO](https://www.kingcounty.gov/elections/obmp).



Is diiwaan geli si aad u codeyso



Oonleenka: Booqo [VoteWA.gov](https://www.kingcounty.gov/elections/obmp) si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee Doorashada Gaarka ah ee Febraayo waa Febraayo 2.



Boostada: Ka soo degso oo daabaco foomka diiwaan gelinta barta [kce.wiki/VoterReg](https://www.kingcounty.gov/elections/obmp) oo boostada ugu dir Doorashooyinka Degmada King: 919 SW Grady Way, Renton, WA 98057. Waa in la helaa ugu dambeyn Febraayo 2.



Shakhsi ahaan: Waxaad shakhsi ahaan iskaga diiwaan gelin kartaa xarunta guud ee Doorashooyinka Degmada King ilaa iyo Febraayo 10, Maalinta Doorashada. Macluumaad dheeraad ah oo ku saabsan saacadaha iyo adeegyada waxaad ka heli kartaa barta [kingcounty.gov/elections](https://www.kingcounty.gov/elections).

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish, or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.


Nala soo xiriir si aad u hesho agabyadaada codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Baro wax dheeraad ah oo ku saabsan sanduuqyada lagu rido, Xarumaha Codbixinta, iyo in ka badan!



Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.

Barnaamijka Calaamadaynta Warqadda Codbixinta ee Oonleenka (OBMP) waxaa heli kara dhammaan codbixiyeyaasha diiwaan gashan. Waxaa loogu talagalay inuu u oggolaado codbixiyeyaasha naafada ah, gaar ahaan kuwa indhooleyaasha ah ama uu aragoodu hooseeyo, inay warqaddooda codbixinta si gaar ah u calaamadayaan.



Sida loo isticmaalo Barnaamijka Calaamadaynta Warqadda Codbixinta ee Oonleenka

- Tag barta [kingcounty.gov/elections/obmp](https://www.kingcounty.gov/elections/obmp).
- Macluumaadkaaga geli foomka.
- Ku calaamadee dookhyadaada warqadda codbixinta oonleenka oo ka dibna daabac warqaddaada codbixinta ee aad buuxisay.

AMA

- Daabac warqaddaada codbixinta oo ka dibna gacanta ku calaamadee.

- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, sanduuqa lagu rido warqadda codbixinta ama adoo soo marsiinaaya boostada.

Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacaysno warqaddaada codbixinta.



Haddii aad u baahan tahay caawinnaad dheeraad ah ama hab kale oo aad u dhiibato warqaddaada codbixinta, fadlan kala soo xiriir xafiiskeena taleefanka 206-296-VOTE (8683).



Yaa deeq ku bixiya ololeyaasha?

Eeg ku-deeqyaasha dhaqaale ee musharaxiinta iyo cabbirrada sharciga ee gobolka iyo dowladda hoose:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828

206-296-VOTE (8683)
elections@kingcounty.gov
[kingcounty.gov/elections](https://www.kingcounty.gov/elections)

Baraheena Bulshada
 @kcelections



Soo Jeedinta Lr. 1

Dib-U-Cusbooneysiinta Canshuurta ee Barnaamijyada Waxbarashada iyo Hawlgallada

Guddiga Agaasimeyaasha ee Dugsiyada Dadweynaha ee Federal Way ayaa meel mariyay Qaraarka Lr. 2025-12, ee khuseeya soo jeedin dib-u-cusbooneysiinaysa canshuur wakhtigeedu dhammaanayso ee loogu talagalay waxbarashada. Soo jeedintaan waxay Degmada u oggolaanaysaa inay soo rogto canshuurahaan dheeraadka ah ee soo socda ee dhammaan hantida la canshuuri karo ee gudaha Degmada, iyadoo taageero u fidinaysa barnaamijyada waxbarashada, shaqaalaha iyo hawlgallada aan laga maalgelin/aan si buuxda looga maalgelin Gobolka, oo ay ku jiraan macallimiinta, shaqaalaha taageerada fasalka, kalkaaliyeyaasha caafimaadka, la-taliyeyaasha, gaadiidka, teknoolajiyada, shaqaalaha ammaanka/amniga, u diyaargarowga kulliyadda/shaqada, ciyaaraha, farshaxanka/muusigga:

Sannadka Ururinta	Qiyaas Ahaan Heerka Canshuurta/\$1,000 Qiimaha la qiimeeyay	Caddadka Canshuurta
2027	\$2.50	\$71,408,000
2028	\$2.50	\$74,978,000
2029	\$2.50	\$78,727,000
2030	\$2.50	\$82,663,000

Ma tahay in soo jeedintaan la ansixiyo?

Haa

Maya

Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.



Waxaad u codeynaysaa **Haa ama Maya** ee ansixinta Soo Jeedinta Lr. 1

Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))

Bayaanka Sharaxaadda

Ansixinta Soo Jeedinta Lr. 1 waxay dib-u-cusbooneysiinaysaa canshuur wakhtigeeda dhammaanayso waxayna oggolaanaysaa in lasoo rogo canshuur ah \$71,408,000 ee canshuuraha hantida ee gudaha Degmada Dugsiga Federal Way oo la ururinayo sannadka 2027; canshuur ah \$74,978,000 oo la ururinayo sannadka 2028; canshuur ah \$78,727,000 oo la ururinayo sannadka 2029; iyo canshuur ah \$82,663,000 oo la ururinayo sannadka 2030. Sida waafaqsan Qaraarka Lr. 2025-12 ee ansixinaaya soo jeedintaan, canshuurahaan waxaa lagu shubi doonaa Sanduuqa Guud ee Degmada Dugsiga Federal Way si loo bixiyo qayb ka mid ah kharashaadka guud ee hawlgelinta Degmada. Kharashaadka guud ee Degmada waxaa ka mid ah barnaamijyada waxbarashada ee lagama maarmaanka ah iyo hawlgallada dugsiga ee aan Gobolku maalgelin, ama uusan si buuxda u maalgelin, oo ay ku jiraan macallimiinta, shaqaalaha taageerada fasalka iyo horumarinta xirfadeed; adeegyada caafimaadka, la-talinta, iyo kalkaalinta caafimaadka; shaqaalaha ammaanka iyoamniga; waxbarashada gaarka ah; U Diyaargarowga Kulliyadda iyo Shaqada; koorsooyinka horumarsan; ciyaaraha; farshaxanka iyo muusigga; teknoolajiyada; manhajka iyo agabyada waxbarashada; gaadiidka; iyo adeegyada dayactirka iyo nadaafadda. Haddii ay codbixiyeyaashu oggolaadaan, iyo iyadoo ku salaysan xogta qiimeynta la qiimeeyay ee la saadaaliyay, qiyaasta canshuurta ee halkii \$1,000 ee qiimaha la qiimeeyay waxay noqonaysaa \$2.50 oo la ururinayo sannadaha 2027 ilaa iyo 2030, dhammaan. Qiimaha saxda ah ee canshuurta ayaa la hagaajin doonaa iyadoo lagu salaynayo qiimaha dhabta ah ee la qiimeeyay ee hantida gudaha Degmada iyo xadka sharciga ah ee caddadka canshuurta wakhtiga canshuurta lasoo rogayo.

Ka dhaafitaanka canshuuraha ayaa laga yaabaa inay heli karaan qaar ka mid ah mulkiileyaasha guryaha. Si aad u ogaato haddii aad u qalanto, wac Qiimeeyaha Degmada King (206) 296-7300.

Wixii su'aalo ah ee aad ka qabto cabbirkan, la xiriir:

Rob Bryant
Sarkaalka Madaxa Maaliyadda
(253) 945-2042
rbryant@fwps.org

Bayaanka lagu taageerayo

Greg Baruso, Martin Moore, Cindy Ducich
citizensforfederalwayschools.org

Ku Codee Haa si aad dib ugu cusbooneysiiso canshuurta Barnaamijyada Waxbarashada iyo Hawlgallada ee Federal Way! Codka Haa wuxuu hubiyaa inay ardayda sii helaan adeegyada muhiimka ah ee uusan gobolka si buuxda u maalgelin. Canshuurtaan waxay ka kooban tahay qiyaas ahaan 10% miisaaniyadda hawlgalka degmada waxayna taageertaa in ka badan 200 shaqaale ka caawiya ardayda inay wax bartaan, inay ammaan ahaadaan, oo kobcaan—oo ay ku jiraan shaqaalaha taageerada fasalka, la-taliyeyaasha, taageerada waxbarashada gaarka ah, kooxaha ammaanka iyoamniga, shaqaalaha nadaafadda, iyo shaqaalaha dayactirka.

Tani maaha canshuur cusub—waxay beddelaysa canshuurta wakhtigeedu dhammaanayso ee codbixiyeyaashu si joogto ah u taageereen tan iyo 1980-kii. Haddii aan la dib loo cusbooneysiin, degmada waxay la kulmi doontaa dakhli jar aad u weyn oo ku saabsan barnaamijyada fasalka aasaasiga ah, ciyaaraha, hawlaha dheeraadka ah e ka baxsan manhajka, iyo shaqaalaha ee ay ardaydu maalin walba ku tiirsan yihiin. Maalgelinta canshuurta maxalliga ah waxay ka dhigtaa dugsiyadeena kuwo wax soo dhawweynaya, ammaan ah, oo shaqaale buuxda leh, iyadoo isla markaa kobcinaysa fursadaha sida ciyaaraha, muusikada, diyaarinta kulliyadda iyo xirfadaha, STEM, iyo waxbarashada xirfadada iyo farsamada.

Dugsiyada Dadweynaha ee Federal Way waxay muujiyeen maamul maaliyadeed oo mas'uuliyad leh, si taxaddar leh u maaraynta kheyraadka iyo joogtaynta heerarka ururinta xasillan, ee la saadaalin karo iyadoo xitaa ay maalgelinta gobolku sii yaraanayso. Maalgeshiyadaan waxay keenaan natiijooyin dhab ah, oo ay ku jiraan natiijooyin xooggan oo qalin-jabin ah iyo guulo waxbarasho oo ka dambeeya dugsiga sare.

Dugsiyada xooggan waxay xoojiyaan xaafadaheena, dhaqaalaheena, iyo bulshadeenna. Ku Codee Haa si aad dib ugu cusbooneysiiso canshuurta EP&O loona taageero ardayda Federal Way.

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyeyaasha deegaanka si ay uga caawiyaan codbixiyeyaasha inay go'aanno xog-ogaal ah gaaraan.

Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.